



LANDSLAG



Robert Daniel Jonsson
PHOTOGRAPHY

Skipulagslýsing

Lýsing á skipulagsverkefni skv. 1. mgr. 30. gr. skipulagslaga nr. 123/2010



Aðalskipulag Húnabyggðar 2025-2037

Október 2024



Efnisyfirlit

1	Viðfangsefni.....	3
1.1	Hvað er skipulagslýsing?	3
1.2	Hvað er aðalskipulag?	3
1.3	Sameining Sveitarfélaga	3
1.4	Aðdragandi endurskoðunar.....	4
1.5	Skipulagssvæðið	4
1.6	Viðfangsefni	5
1.7	Skipulagsgögn.....	5
2	Áherslur við gerð aðalskipulags	5
2.1	Leiðarljós sveitarstjórnar	5
2.2	Áherslur sveitarstjórnar.....	5
2.3	Áherslur og landnotkun samkvæmt skipulagsreglugerð	6
3	Tengsl við aðrar áætlanir	6
3.1	Landsskipulagsstefna	6
3.2	Aðrar áætlanir	6
4	Umhverfismat	7
4.1	Efnistöð, áherslur og áhrifaþættir.....	7
4.2	Valkostir.....	7
4.3	Umhverfisþættir	7
4.4	Viðmið	8
5	Kynning, samráð og skipulagsferli	8
5.1	Kynning skipulagslýsingar.....	8
5.2	Samráð	8
5.3	Skipulagsferill	8



1 Viðfangsefni

1.1 Hvað er skipulagslýsing?

Skipulagslýsing þessi er unnin af Landslagi ehf. í samstarfi við skipulagsfulltrúa og skipulags- og byggingarnefnd Húnabyggðar. Lýsingin er upphaf skipulagsvinnu við endurskoðun aðalskipulags Húnabyggðar, í samræmi við 1. mgr. 30. gr. skipulagslaga nr. 123/2010. Í lýsingunni koma fram hvaða áherslur sveitarstjórn hefur við aðalskipulagsgerðina, upplýsingar um forsendur og hvernig staðið verður að endurskoðun aðalskipulags. Að lokinni kynningu lýsingar verða unnin drög að aðalskipulagi og verður vinnslutillaga kynnt fyrir íbúum og hagsmunaaðilum. Fullunnin skipulagstillaga og umhverfisskýrsla verður síðan auglýst þar sem gefinn er kostur á að koma athugasemdum á framfæri.



Mynd 1: Einfölduð skýringarmynd af fyrirhuguðu skipulagsferli.

Hlutverk skipulagslýsingar er veita upplýsingar um fyrirhugaða vinnu og gefa íbúum sveitarfélagsins og öðrum hagsmunaaðilum tækifæri til að koma á framfæri athugasemdum og ábendingum í upphafi vinnunnar.

Ábendingar sem berast við lýsinguna verða nýttar til að skilgreina verkefnið frekar. Markmiðið er að með ábendingum sem berast takist að skilgreina verkefnið á þann hátt að aðalskipulagið taki á öllum þeim helstu þáttum sem skipta máli við framtíðarþróun sveitarfélagsins Húnabyggðar.

Með þessari skipulagslýsingu er verkefnið því kynnt til þess að auðvelda íbúum og öðrum sem hagsmuna eiga að gæta að taka þátt í mótun endurskoðunarinnar og koma athugasemdum á framfæri. Lýsing þessi er unnin í samræmi við skipulagslög nr. 123/2010 og lög nr. 111/2021 um umhverfismat framkvæmda og áætlana.

1.2 Hvað er aðalskipulag?

Aðalskipulag er skipulagsáætlun sem nær til alls lands sveitarfélags og er sett fram sem stefna um framtíðarþróun lands og byggðar. Í aðalskipulagi setur sveitarstjórn fram stefnu sína um landnotkun, byggðamynstur, samgöngu- og þjónustukerfi og umhverfismál í sveitarfélaginu. Markmið með gerð aðalskipulags samkvæmt skipulagsreglugerð nr. 90/2013 eru:

- Að vera vettvangur stefnumótunar sveitarstjórnar í samráði við íbúa um mikilvæg viðfangsefni sem snerta þróun sveitarfélagsins.
- Að sýna með skýrum hætti hver stefna sveitarfélags er og stuðla þannig að markvissri þróun þar sem tekið er tillit til heildarhagsmuna.
- Að miðla málum milli ólíkra hagsmuna þeirra sem búa og munu búa í sveitarfélaginu.
- Að stuðla að öryggi almennings og lífsgæðum.

Í aðalskipulagi er mörkuð stefna sveitarfélagsins til a.m.k. næstu 12 ára. Í aðalskipulagi er lagður grundvöllur fyrir gerð deiliskipulags fyrir afmörkuð svæði þar sem stefna aðalskipulags er útfærð nánar.

1.3 Sameining Sveitarfélaga

Þann 1. ágúst 2024 sameinuðust sveitarfélögin Húnabyggð og Skagabyggð og er nafn hins nýja sveitarfélags Húnabyggð.



1.4 Aðdragandi endurskoðunar

Samkvæmt 35. gr. skipulagslaga nr. 123/2010 skal sveitarstjórn meta að loknum sveitarstjórnarkosningum hvort ástæða sé til að endurskoða aðalskipulagið og skal sú ákvörðun m.a. taka mið af því hvort Landsskipulagsstefna kalli á endurskoðun.

Sveitarstjórn Húnabyggðar ákvað á fundi sínum 12. desember 2023 að hefja vinnu við endurskoðun aðalskipulags og að stefnt sé að því að þeirri vinnu ljúki á yfirstandi kjörtímabili.


Í gildi er aðalskipulag fyrir sveitarfélögin tvö sem sameinuðust í Húnabyggð árið 2022.

- Aðalskipulag Blönduósbæjar 2010-2030
 - Samþykkt í sveitarstjórn 25. maí 2012, öðlaðist gildi 11. júní 2012
- Aðalskipulag Húnavatnshrepps 2010-2022
 - Samþykkt í sveitarstjórn 25. maí 2012, öðlaðist gildi 11. júní 2012

Þá er í gildi Aðalskipulag Skagabyggðar 2010-2030 sem samþykkt var í sveitarstjórn 5. september 2011 og öðlaðist gildi 5. október 2011.

1.5 Skipulagssvæðið

Skipulagssvæðið nær yfir allt landssvæði Húnabyggðar sem er um 4.500 km² að stærð. Húnabyggð er á meðal stærstu sveitarfélaga landsins að flatarmáli og nær frá Húnaflóa upp á miðhálandið þar sem hlutar bæði Langjökuls og Hofsjökuls eru innan marka sveitarfélagsins. Þéttbýli sveitarfélagsins er á Blönduósi og þar var íbúafjöldi 834 manns í ársbyrjun 2024 og 1.263 í sveitarfélaginu öllu.



Mynd 2: Staðsetning og afmörkun Húnabyggðar.



1.6 Viðfangsefni

Aðalskipulag skal marka stefnu til a.m.k. tólf ára skv. skipulagslögum og er stefnt að tímabil aðalskipulags Húnabyggðar hafi gildistíma frá 2025 til 2037. Vinna við aðalskipulag er vettvangur stefnumótunar sveitarstjórnar í samráði við íbúa og aðra hagsmunaaðila um viðfangsefni sem snúa að þróun sveitarfélagsins til lengri tíma.

Aðalskipulag felur í sér framtíðarsýn og markvissa ákvörðun um hvert sveitarfélagið vill stefna og hvernig settum markmiðum verður náð. Í vinnu við aðalskipulag verða settar fram forsendur, markmið og skipulagsáherslur, ásamt stefnu um framtíðaruppbyggingu í sveitarfélaginu. Lögð verður áhersla á að aðalskipulagið feli í sér skýr markmið, en verði þó sveigjanlegt á þann hátt að hægt verður að einhverju leyti að útfæra leiðir að mismunandi markmiðum. Skipulaginu er ætlað að stuðla að hagkvæmri og skynsamlegri nýtingu lands, móta stefnu um þróun byggðar og landnotkunar og leggja mat á helstu áhrifum aðalskipulags á umhverfi og samfélag.

1.7 Skipulagsgögn

Nýtt aðalskipulag verður sett fram sem stafrænt aðalskipulag og unnið í landupplýsingakerfi samkvæmt leiðbeiningum Skipulagsstofnunar. Skipulagið verður auk þess sett fram í greinargerð, á sveitarfélagsupprætti og á þéttbýlisupprætti.

2 Áherslur við gerð aðalskipulags

2.1 Leiðarljós sveitarstjórnar

Skipulagið skal stuðla að hagkvæmri þróun byggðar á svæðinu, m.a. með því að skapa sem best skilyrði fyrir atvinnulíf og mannlíf og að gera búsetu á svæðinu eftirsóknarverða.

2.2 Áherslur sveitarstjórnar

Í vinnu við endurskoðun aðalskipulags verður farið yfir hvaða viðfangsefni í sveitarfélaginu kalla á sérstaka yfirferð og endurskoðun. Á þessum fyrstu stigum skipulagsvinnunnar hefur sveitarstjórn tilgreint nokkur atriði til yfirferðar en athugasemdir og ábendingar við skipulagslýsingu verða einnig nýttar við stefnumótunina.

- **Íbúar:** Rýndar verða forsendur íbúaþróunar sem kallað geta á breytingar frá gildandi aðalskipulagi. Breyttar forsendur hafa m.a. áhrif á þörf fyrir fjölbreytt húsnæði og ýmisskonar samfélagsþjónustu.
- **Flokkun landbúnaðarlands:** Í gildandi aðalskipulagi Húnavatnshrepps og Blönduósþéttbýlis er landbúnaðarsvæði flokkað í tvo flokka og er sú flokkun höfð til viðmiðunar áður en ákvörðun er tekin um að breytta nýtingu á landbúnaðarlandi. Samhliða vinnu við endurskoðun aðalskipulags verður unnið að flokkun landbúnaðarlands. Landbúnaðarland í Skagabyggð hefur ekki verið flokkað.
- **Samgöngumál:** Breyttar áherslur í samgöngumálum þar sem aukin áhersla er á að bæta aðstöðu gangandi og hjólandi vegfarenda innan sveitarfélagsins auk tengingar við aðliggjandi sveitarfélög. Vegir í náttúru Íslands, aðrir en vegir á forræði Vegagerðarinnar, verða flokkaðir í samræmi við leiðbeiningar Skipulagsstofnunar.
- **Skilgreining á nýjum landnotkunarflokkum:** Þörf er á að marka stefnu um nýja landnotkunarflokka svo sem fyrir skógræktar- og landgræðslusvæði og afþreyingar- og ferðamannasvæði. Skoða þarf hvort bregðast þurfi við aukningu ferðamanna innan sveitarfélagsins hvað varðar uppbyggingu ferðaþjónustu og áningarstaða.
- **Iðnaður og orkuvinnsla:** Við endurskoðunina verður þörf fyrir athafna- og iðnaðarsvæði yfirfarin út frá þróun síðustu ára. Setja þarf fram stefnumörkun fyrir veitur í sveitarfélaginu þar sem meðal annars verði tekin afstaða til sjónarmiða um sjálfbærni, náttúruvernd og atvinnuþróun.



2.3 Áherslur og landnotkun samkvæmt skipulagsreglugerð

Samkvæmt grein 4.3.1. í skipulagsreglugerð skal marka stefnu um eftirfarandi viðfangsefni í aðalskipulagi og setja fram með ákvörðunum um landnotkun eftir því sem við á:

Athafnasvæði Athafna- og iðnaðarstarfsemi	Blöndun byggðar Blöndun íbúða við aðra landnotkun	Efnistaka Efnistaka, efnislosun og urðun úrgangs	Íbúðarbyggð Íbúðarþróun, íbúðasamsetning, íbúðarhúsnæði og íbúðarbyggð
Landbúnaðarsvæði Landbúnaður, ferðaþjónusta og önnur starfsemi	Landsskipulagsstefna Samræmi stefnu aðalskipulags við landsskipulagsstefnu	Opin svæði Opin svæði, útivistarsvæði og aðstaða til íþróttaiðkana	Samgöngur Samgöngur, vegir og stígar.
Sjálfbær þróun Markmið skipulagslaga og sjónarmið um sjálfbæra þróun	Skógrækt og landgræðsla Skógrækt, landgræðsla og endurheimt votlends	Stakar framkvæmdir Stakar skipulagsskyldar framkvæmdir	Náttúruá Varúðarsvæði og náttúruvá
Veitur Veitur og fjarskipti	Verndar- og orkunýtingaráætlun	Vernd vatns, náttúru- og menningarminja	Verslun og önnur þjónusta Þróun miðbæjarstarfsemi og nærþjónustu
Þéttbýli Þróun þéttbýlis, helstu einkenni einstakra þéttbýlisstaða, samspili þeirra og hlutverkaskiptingu.			

3 Tengsl við aðrar áætlanir

3.1 Landsskipulagsstefna

Aðalskipulag er unnið í samræmi við leiðarljós og markmið Landsskipulagsstefnu. Landsskipulagsstefna felur í sér stefnu stjórnvalda í skipulagsmálum og almenn sjónarmið til leiðbeiningar við skipulagsgerð sveitarfélaga. Í landsskipulagsstefnu eru settar fram áherslur um skipulagsmál sem varða almannahagsmuni og byggðarþróun og landnotkun á landsvísu. Leiðarljós Landsskipulagsstefnu miða við að skipulag byggðar og landnotkunar stuðli að sjálfbærri þróun, seiglu gagnvart samfélags- og umhverfisbreytingum, stuðli að lífsgæðum fólks og styðji samkeppnishæfni landsins alls og einstakra landshluta. Landsskipulagsstefna 2015–2026 felur í sér stefnu um eftirfarandi viðfangsefni:

- Skipulag á miðhálandi Íslands
 - *Staðin verði vörður um náttúru og landslag miðhálandisins vegna náttúruverndargildis og mikilvægis fyrir útivist. Uppbygging innviða á miðhálandinu taki mið af sérstöðu þess.*
- Skipulag í dreifbýli
 - *Skipulag í dreifbýli gefi kost á fjölbreyttri nýtingu lands, svo sem ræktunar, ferðaþjónustu og útivistar, í sátt við náttúru og landslag.*
- Búsetumynstur og dreifingu byggðar
 - *Þróun þéttbýlis og fyrirkomulag byggðar stuðli að sjálfbærni með áherslu á gæði í hinu byggða umhverfi og markvissu og samþættu skipulagi byggðar og samgangna.*
- Skipulag á haf- og strandsvæðum
 - *Skipulag haf- og strandsvæða veiti grundvöll fyrir fjölbreyttri nýtingu um leið og viðhaldið verði mikilvægum auðlindum hafsvæða við ísland.*

Í vinnslu er endurskoðun landsskipulagsstefnu fyrir árin 2024–2038 ásamt aðgerðaáætlun fyrir árin 2024–2028. Framtíðarsýn landsskipulagsstefnu byggist á eftirfarandi framtíðarsýn í skipulagsmálum:

- *Að skipulag stuðli að sjálfbærri þróun og lífsgæðum, styðji samkeppnishæfni og sé sveigjanlegt og stuðli að viðnámsþrótti gagnvart samfélags- og umhverfisbreytingum.*

Þegar endurskoðuð landsskipulagsstefna hefur öðlast gildi verður stefna hennar nýtt við endurskoðun aðalskipulags.

3.2 Aðrar áætlanir

Aðalskipulagið verður unnið með hliðsjón af stefnum og markmiðum úr eftirfarandi áætlunum:

- *Aðalskipulagsáætlanir aðliggjandi sveitarfélaga*
- *Húsnæðisáætlun Húnabyggðar*
- *Heimsmarkmið Sameinuðu þjóðanna um sjálfbæra þróun*



- *Samgönguáætlun*
- *Náttúruverndaráætlun*
- *Aðgerðaráætlun í loftslagsmálum 2018-2030*
- *Vatnaáætlun 2022-2027*
- *Líf og land, landgræðsluáætlun og landsáætlun um skógrækt*
- *Aðgerðaáætlun í landgræðslu og skógrækt 2022-2026*
- *Ferðaþjónusta til 2030*

4 Umhverfismat

Stefna í aðalskipulaginu fellur undir lög um umhverfismat framkvæmda og áætlana nr. 111/2021 og er hér gerð grein fyrir hvernig staðið verður að vinnu við umhverfisskýrslu. Í endurskoðun aðalskipulags Húnaðsbyggðar felast að öllum líkindum engin áform um stefnumörkun fyrir framkvæmdir sem tilgreindar eru í 1. og 2. viðauka laga nr. 111/2021 um umhverfismat framkvæmda og áætlana.

4.1 Efnistöð, áherslur og áhrifaþættir

Umhverfisskýrsla verður liður greinargerðar aðalskipulagsins en þar verður gerð grein fyrir mögulegum umhverfisáhrifum aðalskipulags. Matsvinnunni er ætlað að styrkja umfjöllun um forsendur og tryggja að við ákvörðun um landnotkun verði litið til umhverfissjónarmiða. Við umhverfismat verður stuðst við þær upplýsingar sem liggja fyrir um grunnástand umhverfis.

Megináhrifaþættir snúa að meginviðfangsefnum aðalskipulagsins en aðrir þættir verða skoðaðir eftir því sem tilefni er til í skipulagsvinnunni. Teknar verða til umhverfismats helstu breytingar á stefnu gildandi skipulags. Ekki er gert ráð fyrir mati á hverri breytingu á landnotkun fyrir sig enda verður að nokkru leyti óljóst hvort um stefnubreytingu er að ræða, einfaldlega vegna þess að ný skipulagslög og reglugerð kveða á um nokkru ítarlegri stefnumótun en áður var gert. Dregin verða fram markmið sem víkja markvert frá gildandi skipulagi og sýnt hvernig ólíkir valkostir snerta umhverfisþættina.

4.2 Valkostir

Markmið matsvinnu er að fá fram upplýsingar um möguleg umhverfisáhrif mismunandi valkosta er snerta m.a. atvinnu, íbúðarbyggð, auðlindir, samgöngur og veitur og samfélag. Umræður og upplýsingar sem koma fram í matinu kunna að hafa áhrif á val valkosta. Markmiðið með matsvinnunni er m.a. að skilgreina, að teknu tilliti til umhverfisáhrifa og leggja til mótvægisáðgerðir, rannsóknir og vöktun sé þess talin þörf.

4.3 Umhverfisþættir

Umhverfisþættir eru þeir þættir sem sjónum er beint að við umhverfismat aðalskipulags þar sem þeir eru taldir geta orðið fyrir áhrifum af þeim ákvörðunum sem teknar eru í aðalskipulagi. Mögulegir umhverfisþættir sem í aðalskipulagi verða metnir m.t.t. umhverfisáhrifa:

- *Landslag og sjónræn áhrif*
- *Auðlindir*
- *Gróður og lífríki*
- *Jarðmyndanir*
- *Verndarsvæði og minjar*
- *Heilsa og öryggi*
- *Samfélagsleg og hagræn áhrif*
- *Loftslag*
- *Sjór og strandlína*



4.4 Viðmið

Umhverfisviðmið eru notuð sem mælikvarði eða sem vísir sem notaður er til að meta einkenni og vægi þeirra áhrifa sem stefnumið aðalskipulagsins hefur í för með sér. Umhverfisviðmið geta verið af ýmsum toga og m.a. byggt á stefnu stjórnvalda eða sveitarstjórnar, tilmælum laga og reglugerða og upplýsingum um málaflokka aðalskipulagsins. Við val og skilgreiningu á umhverfisviðmiðum og við mat á vægi og áhrifum verður notast við fjöldamörg gögn, svo sem lög og reglugerðir, Landsskipulagsstefnu, náttúruminjaskrá, náttúruverndaráætlun, leiðbeiningar Skipulagsstofnunar um umhverfisviðmið auk fleiri gagna.

5 Kynning, samráð og skipulagsferli

5.1 Kynning skipulagslýsingar

Með kynningu skipulagslýsingar er íbúum, hagsmunaaðilum og umsagnaraðilum gefinn kostur á að leggja fram sjónarmið og ábendingar við upphaf skipulagsvinnunnar. Skipulagslýsingin verður kynnt með auglýsingu í blöðum, dreifibréfum og á heimasíðu sveitarfélagsins: www.hunabyggd.is. Lýsingin verður aðgengileg á heimasíðu sveitarfélagsins og í bæjarskrifstofu sveitarfélagsins á Blönduósi. Kynningartími og skilafrestur ábendinga mun koma fram í auglýsingu og á vefsíðu sveitarfélagsins. Ábendingum sem berast um skipulagslýsinguna verður ekki svarað formlega heldur tekin afstaða við vinnslu tillögunnar.

5.2 Samráð

Fyrirhugað er að halda samráðsfundi með íbúum í gegnum skipulagsferlið þar sem umræður verða um ákveðin þema varðandi þróun byggðar og umhverfis. Í tengslum við vinnu við gerð aðalskipulags verður óskað eftir umsögnum eftirtalinna aðila:

- Aðliggjandi sveitarfélög
- Heilbrigðiseftirlit Norðurlands vestra
- Landsnet
- Minjastofnun Íslands
- Náttúrufræðistofa Íslands
- Nefndir Húnaþingbyggðar
- Veitur Húnaþingbyggðar
- Rarik
- Skipulagsstofnun
- Umhverfisstofnun
- Veðurstofa Íslands
- Vegagerðin

5.3 Skipulagsferill

Að lokinni kynningu skipulagslýsingar verður unnin tillaga að aðalskipulagi. Áætlaður tímaferill skipulagsvinnunnar er, birt með fyrirvara um breytingar:

Skipulagslýsing og forsendur		
Mánuður	Ferli	Lýsing
Júní-október 2024	Skipulagslýsing	Skipulagslýsing unnin og samþykkt af skipulags- og byggingarnefnd og sveitarstjórn, send til umsagnaraðila og kynnt íbúum og öðrum hagsmunaaðilum.
	Forsendur	Gagnaöflun, greining forsenda og önnur grunnvinna aðalskipulags.
September-Mars 2025	Frumdrög	Mótun tillögu að aðalskipulagi. Unnið að stefnumótun og mótun skipulagskosta fyrir aðalskipulag í samstarfi við skipulags- og byggingarnefndar og sveitarstjórn.
Athugasemdir við skipulagslýsingu nýttar við mótun stefnu.		



Íbúafundur þar sem frumdrög og áherslur aðalskipulagsins eru kynnt og óskað eftir viðbrögðum íbúa sem nýtt verða við áframhaldandi vinnu við aðalskipulag.

Samráðsfundir með hagsmunaaðilum um sérhæfð málefni aðalskipulagsins.

Apríl 2025

Frumdrög

Frumdrög aðalskipulagstillögu kynnt fyrir sveitarstjórn.

Tillaga að aðalskipulagi

Mánuður

Ferli

Lýsing

Apríl-júní 2025

Vinnslutillaga

Frekari mótun tillögu að aðalskipulagi. Endanleg mótun stefnu varðandi landnotkun, byggðapróun, byggðamynstur, samgöngu- og þjónustukerfi og umhverfismál.

Gengið frá lokatillögu aðalskipulags og umhverfisskýrslu til samþykktar í formlegt kynningar- og umsagnarferli.

Júlí 2025

Vinnslutillaga

Tillaga að aðalskipulagi, ásamt umhverfisskýrslu kynnt í sveitarstjórn.

Íbúafundur þar sem tillaga að aðalskipulagi er kynnt ásamt forsendum hennar og umhverfisskýrslu.

Ágúst 2025

Auglýsing tillögu

Tillaga að aðalskipulagi tekin fyrir á fundi skipulags- og byggingarnefndar og á fundi sveitarstjórnar þar sem tillagan er afgreidd í lögbundið auglýsingar- og kynningarferli.

Tillaga að aðalskipulagi send Skipulagsstofnun sem hefur allt að fjórar vikur til að gera athugasemdir.

September-október 2025

Auglýsing tillögu

Tillaga að aðalskipulagi í lögbundnu auglýsingar- og kynningarferli.

Úrvinnsla aðalskipulags

Mánuður

Ferli

Lýsing

Nóvember-desember 2025

Afstaða til athugasemda

Tillaga að aðalskipulagi tekin aftur fyrir á fundi af skipulags- og byggingarnefndar ásamt mögulegum athugasemdum og umsögum sem borist hafa.

Unnið úr umsögnum og athugasemdum.

Afgreiðsla umsagna og athugasemda.

Samþykkt og staðfesting aðalskipulags

Mánuður

Ferli

Lýsing

Janúar-febrúar 2026

Samþykkt

Tillaga að aðalskipulagi samþykkt af skipulags- og byggingarnefnd og sveitarstjórn.

Samþykkt aðalskipulag sent Skipulagsstofnun sem hefur allt að fjórar vikur til að staðfesta aðalskipulagið og auglýsa það í B-deild Stjórnartíðinda.